

FJÖLMENNINGARRÁÐ

Ár 2021, mánudaginn 12. apríl, var haldinn 42. fundur fjölmeningarráðs Reykjavíkurborgar. Fundurinn var haldinn í Ráðhúsi og hófst kl. 15:01. Eftirtaldir fulltrúar tóku sæti á fundinum með fjarfundabúnaði með vísan til heimilda í auglýsingu nr. 230/2020 um ákvörðun samgöngu- og sveitarstjórnarráðherra skv. VI. bráðabirgðarákvæðis sveitarstjórnarlaga, nr. 138/2011: Sabine Leskopf, Andie Sophia Fontaine, Tui Hirv, Renata Emilsson Peskova og Hildur Björnsdóttir. Einnig sat fundinn Anna Kristinsdóttir. Achola Otieno ritaði fundargerð.

Þetta gerðist:

1. Fram fer kynning á aðgerðum til að bæta íslenskukunnáttu barna með annað móðurmál en íslensku. R21010116

Fjölmeningarráð leggur fram svohljóðandi bókun:

Ráðið þakkar fulltrúum skóla- og frístundasviðs fyrir ítarlega kynningu á þeim aðgerðum sem samþykktar voru til að bæta íslenskukunnáttu barna með annað móðurmál en íslensku. Ráðið fagnar þessum umfangsmiklum aðgerðum sem eru til mikilla bóta fyrir þennan málaflokk. Varðandi foreldrasamstarf og aðgerð um að taka saman orðalista um skólaorðaforða á fleiri tungumálum vill ráðið einnig benda á að búið er að vinna slíka lista á nokkrum stöðum, bæði í skólum en einnig í öðrum verkefnum eins og „Sure I can“ og vert væri að nýta þessa vinnu þar.

Dagbjört Ásbjörnsdóttir og Saga Stephensen taka sæti á fundinum undir þessum lið með fjarfundarbúnaði.

2. Lagt fram bréf borgarstjóra dags. 21. febrúar 2021, ásamt lokaskýrslu starfshóps um börn innflytjenda í Reykjavík. R19100031

Dagbjört Ásbjörnsdóttir og Saga Stephensen taka sæti á fundinum undir þessum lið með fjarfundarbúnaði.

3. Lagt fram bréf velferðarsviðs dags. 21. mars 2021, með beiðni um umsögn fjölmeningarráðs um drög að velferðarstefnu til 2030. R21040016

Samþykkt að fela formanni fjölmeningarráðs að skila umsögn fjölmeningarráðs um velferðarstefnu Reykjavíkurborgar í samræmi við umræðu fundarins.

4. Fram fer kynning á drögum að aðgerðaráætlun Reykjavíkurborgar gegn ofbeldi 2021-2023. R21010206

Halldóra Dýrleifar Gunnarsdóttir tekur sæti á fundinum undir þessum lið með fjarfundarbúnaði.

5. Lögð fram drög að umsögn fjölmeningarráðs dags. 25 mars 2021, um tillögu til þingsályktunar um framkvæmdaáætlun í málefnum innflytjenda fyrir árin 2021-2024. 87. mál/2021. R21040080

Samþykkt að fela formanni fjölmeningarráðs að klára umsögn fjölmeningarráðs um tillögu til þingsályktunar um framkvæmdaáætlun í málefnum innflytjenda fyrir árin 2021-2024, í samræmi við umræðu fundarins.

Fundi slitið kl. 16:52